

Организовандатама школьникнени веселай и интереснай каникулат

Социалистический государствась материнский любовьсаны саны мельга, штоба итне, анокламок самостоятельной эряфти, касольхть волевойкс, физически закаленнайкс и виюкс, жизнерадостнай ломанькс. СССР-са обязательнай обучениясь правильна чередуетс обязательнай ваймамать мархта. Вов мес школьнай каникулань шитне арась минь странасонк традиционной праздничкокс.

Тялонь каникулатне тя кизоня ушодыхть декабрь ковть 30-це шистон. а, и анокламс синдеест эряви особенно тщательнайста.

Но ламоц комсомолонь комитеттнень и народнай образованиясь работникнень эзда ингольцекс нингя ашезь шарьхкодь ся простой истинать, што безделияс ащи ваймамати инь калдыв видкс. Каникулатнень пингста кадомс итнень эсь отям, тя приводит санди, што синь аердыхть школьнай дисциплинать эзда, кармайт хулиганиндама и заравандама. Цебярь случайста синь юсхить целай шинь катокнень лангс, и идень организмати чрезмернай, аф вийс коря спортонь занятиятне, подрывають синь шумбра шиснон.

Каникулатнень ушоломаснонды илядсь аныцек 3 шит, а Саранский райононь ВЛКСМ-нь райкомсь и сонь секретарец Яшинялгась нингя афи арьсхить саны колга, коданя именно сяда лац организовандамс школьникнень ваймама. нон тялонь каникулатнень пингста; райкомсь и РОНО-сь ашесть лезда фкявок школанди и школань первичнай комсомольский организациянди, штоба добувамс спортивной инвентарь, организовандамс каток и стак тов. Зыковань школаса тячиень шить самс мезевок аф арьсхить каникулатнени анокламати колга, а райкомть пионер отделонц заведующаец Лапшин ялгась ульсь тя школаса лама ши, но каникулатнени анокламати колга валга киндингя ашезь азонда. Саранск ошса намечандаф организовандамс лыжной станция и каток, но МАССР-нь Наркомпроссь нят мероприятиятнень ти емаснон инкса нолдаф 13, 5 тьожятть цалковайхть средстватнень эзда нолдась аныцек 5 тьожятть цалковай, конань сюнеда тячимс аф лыжной спортивной станциясь, аф катоксь апок тийхть.

Комсомолсь обязан марса педагогнень, ученикнень родителсьнон, общественной организациятнень мархта немедленно, аф юмафнемок буквально фкявок част, вьзаться тялонь каникулатнени анокламати.

Тяса эряви сяда лама инициативат, сяда лама творческий выдумкати Лыжной похотт, спортивной состезаният, шахматно-шашечнай турнирхт, литературнай вечерхт, ученайхнень, стахановецнень, писательхнень мархта васедемат, туристский вылазкат, экскурсият, пионерский звенань состязаният, — вов мезьса эрявихть занямс и цебярьста йотафтомс итнень досугнон и ваймамаснон.

Искусствань мастерхне СССР-нь народнай артистне-Яблочкина и Щукин ялгатне изъавили желан

ния выступить Москву ошонь итнень инголе. Щукин и Яблочкина ялгатнень тя замечательнай инициативасна эряви поддержать и МАССР-нь искусствань работникнени и лездомс МАССР-нь школьникнени сяда-весяласта и радостнайста йотафтомс тялонь ваймамаснон.

Каникулатнень пингста эряви сяда келиста панжемс школьникнени театрань, кинонь, клубонь, катоконь, музеень кенкшнень. Лама и пьк интереснай лия затеят можна анокламс: валсмс катокт, марамс нурдоняса курьк немс пантт, тиендемс спектакльхть, няфнемс волшебнай фонарьса картинат и стак тов.

Итне кельгихть од кизонь елкать. Эряви, штоба эрь школаса, идень кудса общежитияса организовандамс од кизонь елка.

Зимняй каникулатнень пингста сидеста юкснесазь старшекласникнень. Корхтайхть, синь илят интересна, чем 11—12 кизоса итнень. Тя конечно видя. Сяс и эряви старшекласникнень ваймамаснон организовандамс илякс. Тяса должны улемс литературнай маскаратт, диспутт, вечерхт, посвященнайхть Сталинский Конституцияти, организованна якамс спектакльс, кинос, театрас и стак тов.


Эряви мяляфтомс саны колга, што каникулатне сембе школьникнени должны улемс праздничкокс.

Эряви обдуманно, экономна йотафтомс каникулатнень йотафтомаснонды уликс средстватнень, штоба эрь школьникс каникулатнень пингста накопил сяда лама вий и энергия сяда тов цебярьста тонафнеманц инкса.

Особай мяль эряви шарфтомс велень школьникнень досугнон организовандамаснонды. Велеса школатне располагают сяда кржа возможностьса, чем ошса, и сяс ошсь должен лездомс велети. Разве нельзя кучемс велень школатнени кино-передвижкат, волшебнай фонарьхть, кукольной театрат али актеронь группа? Конечно можна. Тевсь организаторхнень, комсомолонь райкомтнень, горкомтнень и народнай образованиясь отделхнень лангса. Цебярь ба улемь велень школьникнень пригласить ошу инжикс и няфтемс синдеест цебярь кино-картинат, вьтемс синь театрав.

Комсомолсь должен заботендамс, организовандамс учительхнень ваймамаснон зимняй каникулатнень пингста. Од учительхнень йоткса эряви организовандамс интереснай докладт и беседат международнай положениять колга. Няфтемс синдеест од кино фильмат, йотафтомс синь йотксост спортивной соревнованият.

И мзярда, зимняй каникулада меле январь ковть 13-це шистонза, итне сайхть школав веселайхть, бодрайхть и окрепшайхть, комсомолецне чувствань и законнай гордость мархта смогут азомс: — Минь долгоньке пашкотьф!



12-це веконь величайшай грузинский поэтть Шота Руставелить, „Витязь в тигровой шкуре“ бессмертнай поэмать гениальной создателенц шахема шистонза сывомок 750 кизонь топодемати.

СНИМКАСА: Шота Руставелись (сяда распространеннай портретоц).

Репродукциясь Союзфототы.

Панжевсь советский писателень союзть 5-це пленумоц

Тбилиси, декабрь 25-це шистонза. Шота Руставелить лемса орденоноснай театрать зданиясонза декабрь 24-це шистонза илять панжевсь Советский писателень Союзть ветече пленумоц, коналемтьф „Вепхис Такосани“ бессмертнай поэмать 750 кизонзонды.

Оцю лац наяржаф театрась пашкесе. Тяза пуромфт 11 Союзнай республикатнень эзда писательхне, искусствань работникне, стахановецне, брагский народонь делегатне, Грузиянь партийнай и Советский общественностень представительхне.

Пленумть панчсесы СССР-нь Советский писателень Союзть секретарец В. Ставский ялгась. Сон корхтай минь великай странаньконь народонзон национальной формаса и социалистический содержанияса культураснон, беспримернай расцветснон колга, Сталин ялгать — Социализмань великай победань вдохновительть колга. Сталин ялгать кельговикс ле-

монц лятфнеманц залсь васьфнесы восторженной овацияса.

Почетнай президиуму кочксевихть Сталин ялгась, ВКП(о)-нь ЦК-ть политбюронц членонза, Берия, Димитров, Тельман, Хозе Диас ялгатне. Од вийса увнайхть приветственной седиавксстонь кядень цяпаматне СССР-нь нароттнень великай вождьснон Сталин ялгать честьс.

Президиумсь кочксеви 35 ломаньста.

Приветствиянь азома седиавксстонь речьса Грузиянь писателень Союзть эзда выступает Бесо Жчени-ти ялгась, Грузияса искусствань работникнень эзда — республикать народнай артистоц — орденоносецсь Давиташвили, студенческий молодежь эзда — орденоносецсь Елена Гокиели. Ответнай вал азонды Серафимович ялгась.

Тяда меле Пленумсь кулхон-дозе Павле Ингороковть доклад-донц „Руставели и сонь псэмац“.

ВЕСЯЛАСТА И РАДОСТНАЙСТА ЙОТАФТСАСЬК КАНИКУЛАТНЕНЬ



Снимка са: 31-й № железнодорожной школы отличники, кяржи ширеста види шири: Самохина Тосья 8 класс „Ц“ группань ученица, Фролова Верась 8-це „Ц“ классонь ученица, Овчинников Гришась 8 классонь „А“ группань ученик. (Фотось Веретенниковъ).



Снимка са: 12-й полнай средней школы отличники, кяржи ширеста види шири: Калашников Борась 6-це „В“ классонь ученик, Балахонская Алевтина 6-це „Б“ классонь ученица, Солдатов Шура 5-це „Б“ классонь ученица. (Фотось Веретенниковъ).

Кода йотафтсайне каникулатнень

Мон, 12-це № полнай средней школы ученик-пионер, тялонь каникулатнень васьфтсайне отличнай и хорошей отметка мархта. Колма шид меле мон ялганень мархта карман якама соксса, конькаса курькснема, мольтяма кино, театрав.

Омбоце четверть надьян, што мон аделаса отличнай и хорошей отметка. Минь школаньке каникулатнень пингста тейнек тии ве черхт, организовандай прогулкат, экскурсият, лыжной вылазкат. Мон тя пингзень использованда са стая, штоба каникулада меле салень тонафнема бодрайста, од вий мархта и аделамс тонафнема кизоть отличнай отметка.

Минь школань пионерхне оцю радость мархта васьфтсаяз каникулатнень. Синь оцю мялса аноклайхть каникулатнень. Монь мялзе стама: цебарьста тонафнемс, цебарьста ваймамс.

Калашников Борась.

Саранск ош.

Нингя сяда лац карман тонафнема

Мон тонафнян 31-це № железнодорожной школы, 8 класса, „С“ группаса. Тонафнян отличнайста, аныцек фкя „хорошо“ отметка. Мон пионеркан и отрядса работан зеновожатайкс. Колма шит илядсь зимняй каникулатнень. Колма шид меле минь карматама организованнайста каникулатнень йотафтома, карматама тиендема коллективно школань сембе ученикнень мархта лыжной вылазкат, конькаса курькснемат.

Школаса карматама тиендема вечерхт, беседат, лекцият, карматама якама производствав экскурсияс, штоба каникулада меле самс школав и нингя сяда энергичнайста кеподемс учебань показателхнень.

Каникулада меле карман тонафнема аныцек отличнайста. Минь, группань ученикне, азонттама оцю спасибо кельгома вожденьконди, другоньконди и учительконди Сталин ялгати счастливый и радостнай юностенкса.

Минь улихть сембе возможностье, штоба тонафнемс аныцек отличнайста, улихть возможностье и ваймамс отличнайста.

Самохина Тосья.

Саранск ош.

Советский Союзонь иттненьди максфт прават тонафнемати

Царский Россиять пингста Кулдем велеса ульсь аныцек церковно-приходский школа, коса тонафнесть кулакнень и попнень идсна Беднай крестьянонь итне ульсь лишенайхть всеобщай начальной образованият эзда.

Октябрьский революциясь всеобщай начальной образованияти панчсь кели ки рабочаень и трудовой крестьянонь иттненьди. Советский Союзса оцюста кассь начальной, афполнай средней, средней и высшей учебнай заведенийнь сетьсь, коса тонафнихть лама тьожятть рабочаень и крестьянонь итне.

Кулдем велеса тяни ули замечательнай афполнай средней школы. Школаса организовандаф струнай, хоровой, драматический и лия общественно-добровольнай кружокт. Школаса организовандаф

пионерский отряд. Сембоц пионерда школы лувондови 200 пионерхт. Школаса улихть балалайкат, мандалинат, гитарат и стактов. Сембе школьникне включились соцсоревнованияс. Пионерорганизацияс сембе работась йотафневи регулярнайста, планц коря. Организовандаф пионерский уженя, коса пионерхне йотафнесазь эсь культурнай досугснон.

Школаса пионерхне Родкин, Крымов, Макеева Екатеринас тонафнихть аныцек отличнайста и цебарьста.

Тяни школы йотафневи оцю анокламань работа од кизонь йолкати. Струнай оркестрань кружоксь и хоровой кружоксь аноклай инсценировка.

Картаев Н. Д.

Картаев Н. И.

Вертелимонь р-н.

Школьной олимпиадаста

Декабрь ковть 24-це шистонза Саранск ошса сембе школатнень эзга йотафтсь школьной олимпиада.

Обедста 12 частти самс 9-це № школы пашькодсь школьникта-пионерда. Сембе пионерхне саст галстукса, наряджафта, праздничнай настроенийот, жизнерадостнайхть, веселайхть. Кандсть музыкальной инструментт — гармошка, гитарат, балалайкат.

Тя олимпиадась эса синь исполнили 15 номерхт. Школьникне няфтезь эсь подготовленностьснон республиканский олимпиадти, конац кармай улема маластонь шитнень эзда, и од кизоть васьфгеманцты.

Олимпиадась ульсь цебарьста организованнай, коса сембе соблюдали тишина и порядок.

5-це классонь ученикне цебарьста йотафтсь физкультурнай выступленийт—пирамидат. 6-це классонь пионеркатне: Дяшкинась и Черепкинась гармошкань коряс кштихть и морасть частушкат. Пионеркатне: Мелешкинась, Пивкинась, Филинась и лиятне дикломировали Верховнай Советт депутатонзон колга стихотвореният. Пяк цебарьста ульсь наряджафт 6-це классонь ученикне, конат морасть лама эзянь морхт, цебарьста кштихть, тиендсть

физкультурнай выступленийт, 11 пионерхт наряджахнесть разнай костюмса (синь няфтезь минь 11 республиканьконь обрядснон) кядьсост кирьдезь Сталин ялгать бюстонц и декломировали.

Дяшкинась и Черепкинась ульсь наряджафт мокшонь костюмса и мокшокс кштихть и морасть мокшонь частушкат и стактов. Олимпиадаса присутствовали сембе преподавательхне, ученикнень родителисна и лият.

Ульсь созданнай комиссия, конац кочкась цебарьста выполненнай 8-шка номер, конатнень колга школьной жюрись эняльди Горноти и искусствань комитетти, штоба ня номерхнень нолдамс республиканский олимпиадти.

Дяшкинась и Черепкинась мокшокс кштиманкса и мокшонь частушкань мораманкса премировандазь.

Сембе присутствующийхнень мялсь пяк тусть мокшонь и эзянь морхне, частушкатне и кштиматне, конат ульсь исполненайхть 5-це и 6-це классонь ученикнень мархта.

нат аф кунара примафт комсомолонь ряттненьди.

Цебарь, добросовестнай отношениянка и общественной работань вятеманкса ученикне пяк кельказь эсь преподавательснон. Пурдашкань р-н.

Чепанов.

Каникулатнень васьфтсайне отличнай отметка мархта

Солдатов Алевтинась тонафни Саранскянь 12-це № полнай средней школы, 5 класса. Сон васьенце четверть аделазе аныцек отличнай отметка мархта. Солдатовась корхтай: „Мон омбоце четверть аделаса отличнайста. Курок минь павазу странань итне карматама ваймама. Мон каникулатнень пингста карман курькснема соксса, конькаса, штоба прдамс лама вийда, энергияда, штоба каникулада меле самс школав бодрайста, радостнайста и весяласта тонафнемс. Самс меки валда, чистой школатненьди ваймафста и тонафнема кизоть аделамс стама показател мархта, кодапт показателне тяни“.

Сон группаса и стая жа пионерский отрядса цебарь общественной, работай пионерский отрядть советонц председателксь. Тяни минь советский странань иттнень ули правасна, штоба свободнай пингснон йотафтолезь культурнайста. Вдь минь инксонк эрь шия заботендай партиясь, правительствась и лично Сталин ялгась. Минь, ученикне-пионерхне, отвечаема партияти, правительствати синь заботаснон инкса отличнай учебаса.

Культурнайста и весяласта йотафтсайнек тялонь каникулатнень

Саранск ошонь васьенце средней школы тонифнихне вишкста аноклайхть тялонь каникулатнень йотафтомаснонды. Ламоц синь эздост обеспеченайхть лыжаса, конькаса. Сембе тонафнихне саясть обязательстват, штоба сяда культурнайста йотафтомс ваймама пингть.

10-це классонь отличница—Кочетковась эсь отдыхонц организовандамац колга корхтай тяфта:

„Мон каникулатнень пингста карман курькснема лыжаса, конькаса, карман якама кино, театрав и луван художественнай литература“.

7-це „Б“ классонь отличникс Воронков Лешась корхтай:

„Минь должеттама культурнайста и весяласта йотафтомс тялонь каникулатнень. Анокламс выступленийт январь васьенце шинцты—елкань шити. Каникулатнень культурнайста йотафтомасна максы тейнек оцю вий, конань мархта минь карматама тонафнема нингя сяда лац“.

Цебарь преподаватель и общественник

М. Пашад велень афполнай средней школы преподавательс Ершкинц тяниень пингть работай комсоргокс. Сон путнесы сембе виенц тонафнихнень йоткса политико-воспитательнай работад ладяманцты. Сон эсь личнай при-

мерсонза иттнень воспитандакхнесыне коммунистический духса, тонафтсыне дисциплинати.

Ершкинц старшекласникнень эзда инь активнай тонафнихнень анокласыне комсомолу. Сон 15 ученик аноклась ни комсомолу, ко-

Аньцек октябрьскый социалистическый революциясь макссь счастливый эряф

— Пяк стака лятфтамс царскый Россиянь пингонь эряфть. Алязе Вася атысь куломдонза инголя азонкшнезе эсь сире пингонь эряфонц. Сон корхнекшнесь, што беднай крестьянине работакшнесь шинек-венек Арапу баярти. Кда поздна сави самс работама, то Арапу баярть помошником Ажогинць кармай пиксесомт. Сембе трудяй ломатнень лангса издевались, ульсь варварскый отношения,—корхтай Гришась.

Аньцек Октябрьскый Социалистическый революциясь макссь счастливый, радостнай эряф.

Гришась семьясонза 7 ломатть, 5 ломатть семьястонза работайхть колхозса, а 2 иденза тонафнихть.

Сонь иденза эряйхть пяк цебарьста, павазушта и радостнайста.

Тяддень кизоть семьяц заработал 750 трудовит. Получась 375 пуд сьора. Цьорац, Васясь тонафни Ежкань НСШ-са 7-це класса, а стирец Полясь — Самодуровкань начальнай школыса 3-це класса.

— „Гражданскый войнаса мон пада-пес тюрень сове ский властть инкса, счастливый радостнай эряфть инкса.

Кельгома вожденьконь Ленин ялгать руководстванц вельде минь молемя эсь винтовканьконь мархта и пада-пес атак лоткеек громилы помещикнень, капиталистнень эса. Тюремя минь павазу эряфть инкса, конанц завоевали. Тяни непоколебимай Ленинонь — Сталинонь партия, правительствать и кельгома вожденьконь Сталин ялгать руководстванон вельде минь эрятама павазу эряфса“.

Мон оправдал колхозникнень доверияснон

1931 кизоня Алякс велеса (Кадошкинань районца) Иван Иванович Егоркинць эсь семьянц мархта сувасть колхозу. Колхозса синь работайхть пяк честнайста и добросовестнайста.

Честнайста и добросовестнайста работаманкса Егоркин атыць цьоранц Ванянь колхозонь правлениясь ламоксть казендезе питни подаркаса.

1935 кизоня Ванянь примазь доблестнай Якстерь армиянь ряттени. Якстерь армияв тумстонза колхозникнень тиендсь пуромкс, кося синь корхтась: „Надиятама, што Ванясь кода колхозса работась честнайста и добросовестнайста, кода колхозса ульсь передовойкс,

станя жа и Якстерь армияса кармай улема передовойкс, кармай службама честнайста и добросовестнайста, кармай зоркайста ваноме Советскый Союзть границанзон эса. Пада-пес кармай тюрема фашистскый бандитнень каршес, счастливый, жизнерадостнай, цветущай эряфть инкса.

Колхозникнень доверияснонды сон макссь обещания, што тя доверять сон оправдандасы с честью. Станя лиссь. Аф кунара Егоркин Ванясь сашендсь отпуск. Колхозникнень сон васьфтезь ошо радость мархта. Комсомольскый организациясь тиендсь пуромкс, кося Егоркинць азондозе, коданя сон тюрьсь японо-манчжурскый бандитнень каршес.

Якстерь армиясь — тя школа

Козеев Кузьмась Якстерь армияв тумдонза инголе колхозса работась честнайста и добросовестнайста. Колхозса сон ульсь васеньце ударниксь. Мзарда призывался Якстерь армияв, сон колхозникнень макссь обязательства, што Якстерь армияса кармай службама честно и добросовестно. Сон корхтась, што кда эряви максомс эсь социалистическый отечественкони эряфозе, геройски максса.

Козеев Кузьмась Якстерь арми-

ята кучи родителензонды и сембе колхозникнень сьормат. Сон сьормады, што Якстерь армиясь — тя оцю политическый школа. Сон заверил родителензон и сембе колхозникнень, што порученая теенза доверять, охранять социалистическый отечество славнай границанзон, оправдае с честью. Сон сьормады, што Якстерь армиясь грозная и непобедимая.

Маркин.

Ковылкинань район, Ежка веле.

СВБ-нь кружоксь аф работай

Сомазлай велеса организованцаф СВБ-нь организация. Тя конечно цебарь. Но кальдяв ся, што кружокса аф йотафневи кодамовок работа.

Председателькс кочкаф Ведяшкин ялгась, конац аф шарфни кодамовок мяль организацияса работать ладьяманц лангс. СВБ-нь члетьне ламоксть вешть Ведяшкинтть ширьде, штоба выписать „Безбож-

ник“ журнал, конань коряс можнальхть ба йотафнемс занятия. Однако Ведяшкинтти тя арси бесполезнайкс. Сон тачимс мезевок ашезь тий.

Минь надиятама, што Ведяшкинць маластонь пинкть кярьмоди работати и ладьясы тевть образивайста.

СВБ-нь члетьне.

Рыбкинань район.

Школась апак обеспечендак светса

Вертелим. Кулдым велень НСШ-са занятияне йотафневихть кафта сменаса. Кда варжанкомс омбоце сменить тонафнеманц лангс, то тейнек арси шарьхкодевикс: НСШ-нь директорть преступно халатнай отношениянц сюнеда занятияне йотсихть скучнайста.

Васендакига эряви отметить, што омбоце сменить сашондови заняматься илять. Занятиянень нор-

мальнайста йотафтомаснонды обязательно эряви толвалда.

Школань директорсь тянь ашезе тий. Эрь класса фья капилканя, сьавок стеклафтома, конанц сюнеда занимандамс арси невозможнайкс и сидеста ученикне тушендыхть куду.

Вертелимонь РОНО-ти эряви курукона я обеспечить занятиянень нормальнайста ладьямаснон.

Пионер



12 векомь грузинскый величайшый поэтть „Витязь в тигровой шкуре“ бессмертной поэмать создателенц Шота Руставелить шачемдонза меле 750 кизотнень топодемаснонды.

СНИМКАСА: „Тариельть тюремац тиграть мархта“ — Шота Руставелинь „Витязь в тигровой шкуре“ поэматинь художникть орденоносецть Ладло Гудиашилвить иллюстрацияц.

Теруэльскый победась кепотькшнесы народть энтузиазманц и мужествоманц

Хозе Диассь Теруэльть сьавоманц значениянц колга

Барселона, декабрьть 25-це шистонза. „Френте Рохо“ газетась публиковандазе Испанскый компартиять генеральной секретаренц Хозе Диасть статьянц республиканецнень мархта Теруэльть сьавоманц значениянц колга.

Хозе Диассь корхтай, што Теруэльть сьавоманц кеподсь огромнай под'ем республиканскый Испанияса и кепотькшни уверенность, што территорияса, конанц занязь мятежникне лама тьожатть ломатне приветствовандасазь тя победа, конац панчи перспектива испанскый республикать ширьде конечнай сьаскомати.

„Теруэльсь, — сьормады Хозе Диассь, республиканскый оружия аф васеньце победа. Можна азомс, што сон ащи народнай армиять сатфксонзонды полатксонс. Мадридть героическый арелямац, сатфксне Харамань Гвадалахарань фронтнень эса, сьада меле сатфксне Брунете и Бельчите секторхнень эса и. мекпаяи, наступательнай оцю операциясь, конац аделавсь Теруэльть сьавоманц мархта, тя непрерывнай процесс в целом военной организациять, командованиять, политическый комиссаронь институтть, оборонать пингста единствать и боепособность, станя и наступленияць цебарьгадоманц колга. Тянь эзда ня-еви странать общай прогрессон,

сембода пяк сьада меле, мзарда испанскый народсь освободилсь. Кабальеронь правительстванц эзда, конац эсь инертностенц, раскольническый деятелностенц и личной интересонь политиканц сюнеда ульсь препягстваякс победати кить эса!.

Диассь азондсы, што Теруэльсь победась — сембе испанскый народть победа, сонь единстванц победа.

„Но фашизмась аф потай — сьормады Хозе Диассь — итальянскый и германскый фашизмась аф атакзайхть мяльть эзда шарфтомс испанскый народть рабствати и сьавомс позиция, конат лездольхть ба теенза ушодомс война Европай демократическый странанзон каршос. Мекеланкт, сон путынигя сьада лама усилияда и нингя сьада цебарьста аноклай и сконцентрировандай нингя сьада лама боеприпаста и войскада. Штоба сьаскомс, эряви и тейнеконьгя сьака пингоня касфтомс и напярць эсь виеньконь. Эряви нингя эзда мощнай армия, вракнень эзда ароптф тыл и васенда тя ашель, вию кели и кеме единства“.

Хозе Диассь подчеркивает, што компартиясь макси вал молема кить эзда, и сон кемоста увереннай сьанди, што тя кить эзда кармайхть молема Испаниять сембе антифашистскый виенза. (ТАСС).

ОСОАВИАХИМОНЬ ПУРОМКССТА

Шайговань полнай средняй школы аосоавиахимонь четтне йотафтсть отчетно-выборнай пуромкс. Тя пуромксса ульсь вишконтф критикась и самокритикась, конанц вельде лихтезь аосоавиахимонь организациать работаста сембе афсатыкснен. Савин ялгась эсь выступлениясонза корхтась, што ОСО-нь кружокть председателе Чвановсь кодамовок работа ашезье. ОСО-нь кружоконь четтне кодамовок значоконди нормат чиймс ашесть макс. Чвановсь колма „ВС-нь“ значокт макссь вина лангс, норматнен апак макст.

Лама четт критиковандазь комсоргть Елпатовть работанц, конанц аф максси кодамовок лезкс ОСО-нь кружокть работанц ладяманцты. Осоавиахимонь четтне эсь путфксост указали, штоба маластонь пингть машфтомс сембе афсатыкснен. Ладямс образцовайста кружокть сембе работанц. Синь сьавст обязательства, штоба январьковть васенце шинзон самс тонадом винтовать, противогать и максомс норматнен „ВС“ и „ПВХО-нь“ значокненди.

Г. Васильев.

Осоавиахимонь организациась аф работай

Хлыстовка велеса Осоавиахимонь организациась организовандаф нинге 1935 кизоня. Велеса, военно-физкультурнай работай ладяманцты колхозонь правлениясь нолдась денежной средства. Васенце пингть ульсь организовандаф оборонань хата, рамафт ульсть: учебнай винтовка, малокалибернай винтовка, Б—Н противогаст и лия учебнай пособия.

Сембе военно-физкультурнай имуществась рамаф и кадф производ судбас. Учебнай и малокалибернай винтовкатне колмоце кизось апак чистендакт, противогастнен маскасна сьазентфть, противогастнай коропкатне мядондафт, сембе учебнай пособиатне сьазентфть.

Аф комсомольскый организациась, аф аосоавиахимонь советсь, аф аосоавиахимонь районнай советсь, Хлыстовка велень аосоавиахимонь организациать работанц лангс кодамовок мяль аф шарфнихть.

С. Кузнецов.

Чамзинкань район.

Юкстась физкультурнай работай

Шямонь велень НСШ-са тячинь шить самс аф йотафневихть физкультурнай занятия. Физкультурань урокть руководителец А. Богин ялгась, физкультурань урокть аф лувондсы эрвиксонди. Ученикнен кизефксонды—мес аф эрйхть физкультураса занятия?—Богин ялгась корхтай:—Тя аф пня важнай предмет, физкультураса занятия йотафнихть кизонда.—Коста Богин ялгась тяфтама указаниять сьавзе, што физкультураса занятия талонда аф йотафнихть? Нийсак Богин ялгась ашезе шарьхонь, што школава ввели физкультураса специальнай занятия сян инкса, штоба Советскый школы аснокламс физически здоровай ломатть.

Школаса улихть лыжат, но ня лыжатне ваяндайхть школань чердакса, синь физкультурнай кружокть работасонза аф использовандакшневихть.

Неяскин.

Рыбинкань район.

Кодама основанияся восстановили Пятывевть меки учителькс?

Малав велень НСШ-са директоркс кода кафта кизот ни работай крупнай лесопромышленниконь шора—Пятывевсь. Сон кирдсь кеме соткс народонь вракнен мархта, просвещенияся троцкистско-бухаринскый—вредительскый группат мархта и Темлагонь преступникнен мархта.

Троцкистско-бухаринскый вредительхнен, народонь вракнен мархта сьазенкса Пятывевсь работаста ульсь валхтф и лишандафоль учительнен праватнен эзда. Но Пятывевсь кочкась ложнай документ и МАССР-нь Наркомпроссь эсь политический притупленностени сюнеда, апак проверендак Пятывевть социальнай прошлаени и сонь вредительскый действиязон, меки восстановили учителькс.

Аф шарьхкодеви, кодама основанияся Пятывевть восстановили меки учителькс? Вдь Наркомпроссь содазе, што Пятывевсь кирдсь кеме соткс Темлагонь заключеннайхнен мархта, кирдсь кеме соткс народонь вракнен мархта.

Аш кодамовок сомнения, што Пятывевсь Темлагонь заключеннайхнен мархта кирдсь соткс аф стак, сон и сьорма вельде и устна доносил нят документтнен, конат эривсть японо-германскый шпиоттненди.

Дм. Родин.

Атюревань р—н.

Аш труддисциплина

Кулдум велеса колхозникнен йоткса аф йотафневи кодамовок работа. Тянь сюнеда колхозникнен йоткса труддисциплинась ащи калдыддонга калдыдьяста. Бикеев бригадирть бригадаса колхозникне аф шарфнихть кодамовок мяль колхознай добрать ванфтоманцты. Сонь бригадасонза безобразно калдыдьяста выполняндакшнеза эсь обязанностьсон сторошне. Ульсть случайхть, мзярда Бикеев ялгать бригадасонза сторошне кадондозь сьороть апак крауляк пакся кучкав.

Тя распушенность няфтезе, што Бикеевть бригадац сембе работать эса иляткишни фталу.

А.—В.

Вертелимонь район.

Работась ладяф аф фкя лаца

Насакина велеса, Куйбышев ялгать лемса колхозса ули цебарьста оборудованнай клуб. Клубса заведующайкс работай Попов, конанц энергичнай работанц мархта цебарьста ладязе работай. Эрй илядья йотафнихть читкат, беседат и ст. тов.

Совершенно аф тяфта ащи тевсь „Пятилетка“ колхозса тяка жа велеса. Колхозть ули соньцен клуб, но сонь лангзонза кивок аф шарфни мяль. Клубсь ащи апак урядак, музыкальнай инструментне: гормоншекс, патефонць, балайкатне ащихть вниманияфтома синнефста. А везд клубса заведующайкс работай комсомольскый организаторсь Сидоров ялгась, конанц тячимс ашезе макс кодамовок лезкс клубса работай ладяманцты. Нльня комсомолецнен йотксовок апак организовандак комсомольскый просвещениясь.

Н.

Торбеевань район.

НИНГЯ ВЕСТЬ КИРЖАЙКИТТНЕНЬ ВРЕДИТЕЛЬСТВАСНОН КОЛГА

Ежка велеса (Ковылкинань район) пняк кунара ни орудует группа, конанц пуроптф политически аф надежной ломаттнен эзда. Тя группат ядрац ащи Киржайкин Алексей Трифоновичть семьяни эзда.

Сонсь Алексей Трифоновичсь ингольден царскый присяжной повереннай. Оцязоронь властть пингста всякай способа и метода издавался беднай ломаттнен лангса—пакснекшнезень синь кельме утомс, шава баняс и валондольхнен синь тоса кельме вездса.

Революцияда меле А. Т. Киржайкинсь приспособилсь, и эцезень эсь цьоранзон веленьсоветонь аппаратти. Оцю цьорац—Кузьмась 1925-це кизоста ушодомок и 1932-це кизоти самс работась велень советса секретарькс. Сон станя жа, алянц лаца, издавался граждаттнен лангса, всякай лаца пытался тиёмс недовольства наротть йоткса партиять и советскый властть мероприятиязон каршос. Тя гадинась износилондакшнез ават. Тяфта синь веленьсоветть ингольден председателени П. И. Козеевть мархта изнаильничали К. П. М. урьванц, В. В. М. урьванц, К. урьванц и К. М. П-ть. Налогонь и лия заданиянь аф пандоманкса сьавф вешаттнен присваивали эстиест. Присвоили Тремаскин Алексей Максимовичть вазонц и лама лия вешат. Сьавондсть взяткат кулакть Ночкин Никонорть кядьста сьавсть лама взятка и лиятнен кядьста.

Сембе нят и лама лия безобразнай факттнен инкса синь ульсть 1932-це кизоня судендафт 5 кизот тюремнай заключениясь. Но кодама бди причинань сюнеда К. Киржайкинсь нят 5 кизотнен ашезень аще.

Пякстама вастста самда меле, 1935-це кизоня Кузьма Киржайкинсь эцесь колхозу председателъкс. Председателъкс повсь эсь братонц Филиппть вельде, конанц работась велень советса сьазаннай ВКП(б)-нь Ковылкинань райкомть ся пингонь секретаренц (народонь вракть) Евлюковть и райЗО нь заведующайть (народонь вракть) Тараскинть мархта.

Работамок колхозса председателъкс, Кузьма Киржайкинсь пуроптсь эсь перьфканза „актив“. Пуроптозень сембе ингольден лишенецнен и синь цьораснон, конатнен примосезень сембен колхозу и кармась мархтост марса йотафтома вредительскый работа. Кузьма Киржайкинть группазонза сувсесть: Пучков Никит Вас.—псаломщик, конань путозе эстиенза завхозкс, Капков Андрей Афанас.—зажиточнаень цьора, Автайкин Герасим Ник.—вор, кафксть ульсь судендаф, Фролов Вас. Ив.—алкоголик, судимай, Фролов Павел Иванович—пьяница, растрачик кафксть ульсь судендаф, Битейкин Никифор Иванович—царкый властть пингста ульсь стражничокс, Козеев Петр Тимофеевич—зажиточнаень цьора, путозе колхозу кладовщикокс, конанц салсесь колхознай сьороть эса, Сайгин Гаврил Мих. колмоксть ульсь судендаф, жулик, работась продовольственной кладовойс кладовщикокс, кузнец Марков Алексей—ингольден кулакконь цьора и лият.

Тя группась кулофтсь колхозса

6 алашат, 5 племянной тувот и лама учат. Вашу алашатне сембе кайсезь вашоснон. Фуражть мишендэз. Мишендэз колхозста самай цебарь алашатнен, конань сюнеда колхозса тундань видематыиь срыв.

1935 кизоня колхозса ульсь цебарь урожай. Предварительнай подсчетть коряс фкя трудошити саволь 9 килограммат сьора, но окончательнай расчетть пингста явсть аныек 4 килограммань, а илядыкс сьороть наксафтозь и салсезь синьц, тя группась.

Колхозникнен подсчетсон коряс, колхозса 12 кутт получандасть сьора сьара, мзяра лиядыкс 240 куттне. Тя вярде азф группась салсезь сьороть, пьянствовали и иредьста пиксесть колхозникнен эса.

1935-це кизонь урожайть эзда кадсть паксав апак урядак 50 гектархт сьора и 120 гектархт модамарь. Токть лангс ульсь кадф лама сьора пиземть алу, конанц тозк и наксадсь. Омбоце токть лангса сьорось и чичевицась сембе наксадсь, конатнен Кузьма Киржайкин колхозникнен кядьста ускефтезень паксав лоткненди. Вредительски ваяфтозь каньфнен. Маразь синь рудазти, коза и эйндасть и юмасть. Тяда башка 250 центнерхт куштаф тозерть кадондозь видьмонди. Викась сембе наксадсь.

Сембе нят фактне кемокстафт специально созданнай тя тевть колга комиссиять мархта, конанц ульсь кучф районца. Комиссиять актоц и колхознай пуромксть путфксоц Киржайкиттнен колга ульсь максф Ковылкинань прокурорти. Прокурорсь проверямок нят факттнен, сембе и лия факттнен, кода Сталин ялгать сюцеманц колга, селькорть Сайгинть пиксесеманц колга, кемокстазень и виновнайхнен пякстазень. Но троцкистскый последышне Евлюковсь и Тараскинсь синь нолдафгозь. Прокурорсь Киржайкиттнен—Алексей Трифоновичть, Кузьма Алексеевичть, Филипп Алексеевичть обвинял 58—8—111 статьятнен коряс, но мес бди синь ашез суденда. Прокурорсь, троцкистскый гадинась Котиковсь и судьясь Родайкинсь тевть мариновали 8 кофт. Кафкса кошти 9-сть назначали показательнай процесс, но мекпями смазали сембе тевть и виновнайхне тячимс иляткинхть апак наказандак. Виновнай тя тевса и республиканскый прокурорсь, конанц 1935 кизоть васта „Мокшонь правда“ газетась редакциянцты кучсь, што Киржайкиттнен вредительскый тевсон калга фактне вернайхть синь привлекаются ответственность. Но сон тячимс таргси эсост сьав ответс.

Но тя вредительскый группась тячимс спокойно велеса тиёмь сыне эсь гадкай тевнянзон.

Ф. А. Киржайкинсь, конанц колмоксть ульсь судендаф, пьяница, организатор сембе безобразиятнен эса, тани эцесь комсомолу, кося всякайкс безобразничендай.

1937-це кизоня комсомолесть активист—пограничникть Степан Здуковть керозь струпонц.

Киржайкиттне велеса апак лотксекватихть антисоветскый агитация. Сайгин Гаврилсь колхозста салась 70 килограммат мель, 12 килограммат пона и 127 путт сьора.

Колхозникт. 3 подписьт

Ответ. редакторть инкса Н. АЛЕМАЕВ.

Упол. Главлито № Д—141 зака. № 4370 1-й раз 2983.

г. Саранск, тип. „Красная Октябрь“.